

92537

地350.97

36

01-4

續修通海縣志



續修通海縣志目錄

序

建置

城池

學校

戶口

田賦

課程

續修通海縣志

經費

水利

祠祀

積貯

兵防

秩官

名宦

選舉

卷一

二集

一



鄉賢 孝行 隱逸 忠烈 官蹟 文學 列女 流寓 土司 仙釋 古蹟 物產 祥異 藝文 雜紀

續修通海縣志

卷一 二集

二



續修通海縣志序



錄善而棄不善者作志之體顧善與不善辨之貴真有善而苛求之其失在忌忌者固私也有不善而曲護之其失在徇徇者愈私也一徇於私則是非顛倒此人心風化之原治亂安危之兆况臨陽為滇南之巨鎮而通邑扼昫町之咽喉乎前明沐氏鎮滇之初能用善人民情安帖者數世及天波用一不善祿永命遂據邑城而沙定州屢與之爭損傷生靈無數於是吾必奎孫可望

等紛紛四起全滇為之震動觀勝朝隆替之故則修志之條例雖不可闕一而錄善以勸不善其最要者矣大僚善而吏無貪汙牧令善而野無遊惰士善而身修家齊民善而型仁講讓我

國家之所以久安長治者由斯道也是歲省垣續修通志自乾隆純皇帝元年起九十一載事蹟奉大憲檄徵邑志以備彙纂余本謏陋而年又垂老平日之見聞強半遺忘曷堪勝任乃前輩皆謝世後輩或居史館或宦他邦或

借歲計北上無一人可以代勞因與二三明經五六廩
膳約各矢公心旁搜遠採凡所紀載勿太刻亦勿太濫
務期合於直道之行本擬兩月歲事值 學憲按臨諸
生赴府應試耽延者五十餘日自建卯至建午四閱月
而告竣夫以一邑之大六萬餘丁口之多豈十數人能
周知其善否惟據所報之蹟核其真贗並參之輿論以
定去取已無不錄之善至若少壯男子雖有善行可稱
未知末路如何果其始終不渝則俟後之君子補之非

今日事也是故辨別之嚴勞而招怨或所不免第以余
為忘余固不敢忘也以余為狗余尤不敢狗也所可自
信者區區之哀馬爾

道光六年歲在柔兆閏茂率月

日

前河南河南府偃師縣知縣候補同知靜涵趙自中謹
序



續修通海縣志

秀山南聳祀水

北環井鬼之分星如故响町之扼要依

然士秀民良刊之晉紳還淳返樸載之舊志謹遵條款

不復臚列惟縣東五里之虎山署令黃華以為不馴於

嘉慶五年易名曰麟山與東北之鳳山遥對中有村落

數處統命為麟鳳村

建置

地之夷險無常民之頑良亦異昔險而今夷則大改為

續修通海縣志

卷二 二集

三

小昔頑而今良則煩改為簡故有府改廳州改縣之處

通邑疆域猶是士習猶是民風亦猶是乾隆以來更無

建置

城池 附關哨郵傳橋梁

設險所以守國周禮司馬掌固一官任至重也至城池

之外又有關哨以稽察非常郵傳以遞送公文橋梁道

路以通行旅往來皆不可缺續城池志

通邑自裁禦歸縣今之縣城即昔之禦城也周匝二里

高一丈七尺東曰太和西曰慶豐南曰迎薰北曰鎮海
池濶一丈八尺深一丈乾隆二十八年地震雉堞城樓
俱圯知縣朱陽詳請修補其制如故又建照牆於四門
之外東曰海天春曉知府王文治題佳麗殊百城知縣
朱陽題南曰禮樂名邦知縣朱陽題西曰朝來爽氣知
府王文治題每字皆大書石刻嵌入牆內五十四年再
震雉堞城樓盡圯嘉慶二年知縣洪文詒率士民捐修
雉堞二十三年知縣龔正謙重建城樓東西南如舊北

樓加高一層上塑提報神額曰振文閣北城門內舊有
閣二層上塑魁星下塑觀音閣前又有六角亭因地震
傾圮知縣龔正謙重建其亭如舊閣名曰紫東

咸豐癸亥年值地方多故且當衝要防守甚難復於城
外加土牆一道由東南至西周圍約二里許用護居民
關哨郵傳

關平甸縣南十里設塘進府要路

建通關縣南二十里通海建水分界處設塘設舖

甯海關縣東北十里與甯州分界處設塘往省要路
姜家冲塘縣東十里往甯州要路

較場堤哨縣西五里

顯靈廟塘縣西十里往河西習我元江要路

洗眼塘縣西二十里

自乾隆元年至今並無更改

舊設驛即以通海名驛由知縣衙門承辦專送來往公文設號書一名日支工食銀柒分年共銀貳拾伍兩貳

錢健夫四名每名日支工食銀六分年共銀捌拾陸兩肆錢無號舍馬匹光緒四年四月布政司唐奉辦越南邊務以沿路驛站夫不敷運用恐誤文報各處增設台站縣中台站一以典史專司其事月給薪水銀四兩書識一名健夫捌名每名月給工食銀貳兩計一月合銀貳拾貳兩軍中來往文件悉歸之此外尋常公文仍統歸縣署遞送如舊

橋梁

舊志南湖池之東為進府要路原有橋二座以山水沖塌行旅苦之邑之棉花皆自蒙陽搬運騾馬之過尤難運棉花者各願捐貲另建橋一座名曰樂善改路半里許在嘉慶二十四年城西南舊有橋曰秀江日久傾圮道光元年閭邑紳士捐貲重修

津梁

溥利橋 在城東百步明宏治間建

乾溪橋 在城東關外平甸山下雍正八年僧誠建

彩虹橋 在城東半里明嘉靖間邑人賀琪山建

迎恩橋 俗名大橋又名太平在城東一里康熙二十九年僧海澄募建

沈家橋 在城東六里明天啟七年邑人沈泰建

永濟橋 在城東八里明萬曆二十年邑人張南建

樂善橋 在城東南三里南湖池東為進府要路原有橋二俱被水沖塌嘉慶二十四年重建

靈壽橋 在城東南白塔山下曾鞏重建

福壽橋 在城西門外跨秀溪同治丁卯邑人李憲建

尼郎橋 在城南門外跨城壕

登瀛橋 在城南一里明萬歷間邑人陳其力建

秀江橋 在城西南一里明萬歷間邑人趙汝謙建

鄒家橋 在城西半里明萬歷元年邑人鄒儀建

高家橋 在城西半里明萬歷三十年邑人厲存禮建

碧溪橋 在城西二十里小街碧溪寺右

學校 黌宮書院義學

人才出於學校學校之廢興人才之盛衰所係也通邑
黌宮形勝甲於兩逸義學倡於前書院又繼於後所以
人文蔚起科甲連綿忠孝之士接踵而生其來也舊矣
續學校志

黌宮

黌宮建於秀山之麓始於知縣任暹由來已久雍正十
年知縣丁沅重修乾隆元年告竣大成殿五間懸

御書與天地參匾額東西兩廡各九間啟聖宮在天成殿之

後五間東西齋房各三間戟門在大成殿之前五間戟門左右名宦祠三間鄉賢祠三間又添建文明坊三空照壁高三丈長十餘丈泮池在照壁之內周圍俱用五面石鑲成極為堅固泮漢秋陽坊在東金聲玉振坊在西煥然一新坊之外西建忠孝祠三間東建節孝祠三間又於啟聖宮之後建尊經閣東西配以兩廂一為一門三節祠祀東公旭子欽婦盧氏牌一為一門忠孝祠祀董莊愍公父子及孫牌明倫堂亦重新學使孫人龍

過通謁廟極為贊美謂兩迤學宮莫盛於此蓋學宮自上而下以上臨下倍覺軒敞以下望上益見尊嚴非獨人工之巧亦其地勢使然也時紳士襄事者甚衆而生員蔣讚之力居多乾隆貳拾捌年地震照牆稍有崩壞知縣朱陽修補復舊

四十四年教諭王恭極裝修兩廡神壇

四十五年署縣周枚復修戟門

四十六年知縣韓培復修大成殿及兩廡

四十九年知縣陳朝書移尊經閣於書院之後移一門忠孝祠於閣西移一門三節祠於閣東

五十三年知縣孫峻德裝顏大成殿及啟聖宮數年董事紳士不一其人而生員吳靖之力居多

五十四年通海地大震城及公署民房損壞甚多而大成殿啟聖宮兩廡戟門皆無恙惟文明坊崩裂照牆亦傾頽鄉賢名宦兩祠俱坍塌

五十五年知縣孫峻德脩理文明坊及鄉賢名宦兩祠

沈詠等監脩

六十年署縣洪文詒修理照牆生員闕自省等監修舊誌黌宮歲修有東山乾賽租六十石自蔣讚修學宮告成之後即將歲修租交紳士管理而彼此推諉歸兩學管理至乾隆戊戌年欲修學宮紳士董正履楊向榮沈詠等呈請署縣周枚仍以歲修歸紳士辦理其後陸續修理裝顏皆用此租

嘉慶元年

御書聖集大成匾額

嘉慶十四年仍照舊址重建尊經閣於啟聖宮後
道光元年

御書聖協時中匾額

道光二年三月十六日奉

旨崇祀

先儒劉子宗周位居西廡蔡子之右

道光三年二月十一日奉

續修通海縣志

卷二二集

十

旨崇祀

先儒湯子斌位居東廡陸子之上

道光五年二月十六日奉

旨崇祀

先儒黃子道周位居東廡湯子之上

道光六年二月初十日奉

旨崇祀

先儒呂子坤位居西廡明臣蔡清之次

道光八年二月二十六日奉

旨崇祀

先儒孫子奇逢位居西廡明臣呂子之次

嘉慶十四年因尊經閣仍建故處書院後之閣改曰
闡經上供周張二程及朱子神牌

書院

秀麓書院建於乾隆四十八年知縣陳朝書首捐清俸
士民亦踴躍相助建於

文廟之右是時明倫堂漸圯即以其地建講堂五間兩旁書
舍各五間另建明倫堂五間於其前外建儀門三間大
門三間衛者謂

文廟後尊經閣有傷龍脉陳令命移於書院之後其東西二
祠亦移在兩廡地勢高敞堂舍整齊他處書院所不及
也又念無館金不可以延師無膏火不可以養子弟即
以建書院所餘之金置平墘租八石金家灣租四石厲
家屯租八石九斗楊廣租五石加周普送河泥方租八

石沈廣之送李官莊租三石卽以告成之年延師設教
此通邑之盛舉也五十四年署知縣朱觀光課士書院
詢知館金膏火租石尚少具詳本府將舊縣義學田賣
與生員趙曜價五百五十金別置田畝除還義學原租
外其餘俱歸書院

嘉慶八年閩邑紳士會公賒共積得銀貳千壹百玖拾
玖兩杜買得老毛村田壹分價銀壹千叁百肆拾玖兩
租捌拾壹石捌斗糧壹石貳斗肆升玖合肆勺又杜買

得老毛村田肆分價銀伍百叁拾兩租叁拾貳石有零
糧共三斗六升又杜買得阿泥方田壹分價銀壹百捌
拾兩租拾叁石零糧壹斗叁升又杜買得黃泥埂田壹
分價銀壹百肆拾兩租四石糧六升每年收租賣銀以
為月課之費童試卷金有不敷者亦動此款

義學

通邑義學共九館

文昌宮義學在南關外每年束脩京斗穀三十石銀捌

兩叁錢

民倉廟義學在城內每年東脩京斗穀三十石銀捌兩叁錢

以上二館自康熙五十五年知縣高鎮設

西園義學在西門外每年東脩京斗穀二十七石五斗
大新村義學在村中土主廟每年東脩京斗穀二十七石五斗

九街義學在村中文昌宮每年東脩京斗穀二十七石

五斗

海屯義學在村中大佛寺每年東脩京斗穀二十五石
長河村義學在村中關帝廟每年東脩京斗穀二十五石
路南村義學在村中關帝廟每年東脩京斗穀二十五石
漢人屯義學在屯中關帝廟每年東脩京斗穀二十五石
以上七館雍正十二年知縣丁沅奉文添設
義學所頒書籍經兩次地震殘缺大半

戶口

民為邦本天子受民數則拜之聖人見負版則式之重
邦本也我

朝休養生息重熙累洽現在民戶捌千捌百捌戶大小人丁
叁萬柒千玖百柒拾捌丁口屯戶伍千叁百伍拾柒戶
大小人丁貳萬叁千肆百肆拾叁丁口較前不啻十倍
生齒之繁皆

朝廷教養之恩有以致之也

續戶口志

續修通海縣志

卷二 二集

十四

田賦

則壤成賦古今無異也而其間輕重煩簡不一通海自
吳逆竊據屯糧八九千石而六村夷糧正賦之外又有
認辦協濟兩項較正賦更重自

大帥平定之後

詔減軍糧屯田與民賦無異裁革認辦夷民借軍餘共蘇
丁以原額為定賦照河陽起科設耗羨以養廉貪吏不
得多取攤丁銀於額賦貧民得免追呼條編公件各有